

Transkription von Urkunde HWI 1494c

Ort, Datierung: Wismar, 1494-??-??

Signatur: Stadtarchiv Wismar, XVIII, K

Inhalt: Henneke Ranen: Unterweisungsbitte an den Rat der Stadt Wismar

Mynen denst touor(en) Erszam(en) leue(n) here(n) vnd(e) besunderghen gude frunde Alse iw wol /
witlick is vn(de) dar ik nicht ane entuiuele dat Curdt Sperlingh vnde ik were(n) tor wismer / tom(e)
ersten inder vasten vpper striueryge vor iuwer erszam(en)heit van mynes mans / wegghen hans bussen
dede sunder myne(n) wille(n) my entaghen is vnde noch in iuwer stadt ys vnde dar don suluest iuwe
borghere branth busse vor iuwer Erszam(en)heit / my lauede vor syne(n) broder hans bussen twisschen
der tijdt vnde palmesondaghe / scholde my myn erue besetten myt ene(n) dede min vnde myne(n)
bure(n) recht wer edder / syn broder hans busse scholde dar p(er)soneliken wedder vpp theen deme
denne szo / bette her(e) tho noch nicht ghescheen is vnde ik iw er(e)mals desset sulue ock
ghescreu(en) / hebbe Erszam(en) leue(n) her(e)n so is noch myne fru(n)tlike bede gy mochten
iuw(er)en borgher / branth bussen vnder wijsen dat he my noch bynne(n) achtendaghen helde szo he /
my lauēt hefft vnde hynder vnde schaden Kost vnde teringhe wes ik daru(m)me / ghedaen hebbe
mochte ock wedder gheue(n) leue(n) her(e)n hijr my willen ane tho / bewisende vordene ik gherne wor
ik kan vnd(e) mach etc(etera) vnder myne(n) jnghesegell / am(e) jare etc(etera) xciiii /

Henneke Ranen /